

Se ita iha laran mein ba Maromak, ita sei la bosok, basa wainhira ema bosok tamba tauk, maibe ema ne'ebé laran metin iha Maromak nia sei la tauk, basa Maromak mak ninia kbiit. Ema ne'ebé laran metin iha Maromak sei la laran moras, basa laran moras ne'e ba ema ne'ebé sente katak nia lakon. Ita fiar iha Maromak la senti lakon tamba Kristu manan tiha ona mundo ne'e nia aat. Ema ne'ebé tau nia esperansa iha Maromak sei la hirus, basa ema ne'ebé hirus tamba nia sente nia-an la folin. Ita folin boot, tamba ita, Kristu mate iha krus, atu manan ita husi mundu nia aat. Nune'e ita la lakon espereansa tamba Kristu mak ita nia esperansa.

Katekese ba Tempu Paskua



Katekese tinan ida ne'e nian, sei koalia kona ba "Don Bosco nia Mehi kona ba Diamante sanulu". Iha fulan Abril no Maio nia laran ita sei koalia kona ba: *Esperansa*

Idea: **Esperansa** mak estado ida ne'ebé hatoo promosaun kona ba ita nia hakarak be diak relasiona ho eventus no sirkuntansia sira iha ita nia moris rasik ka iha mundu enjeral. Dala barak desizaun sira kontrario ho esperansa. Esperansa mak "sentimentu hanesan ita hakarak saida tenki iha ka eventu ruma tenki sai espesial" ka asaun ida "**hateke** ba oin hodi hanoin buat ida ho desijaun no ho rajaun no konfiansa" ka "sentimentu ida kona ba buat ne'ebe deside bele tuir lolos".

Ojectivo : Atu labarik sira hatene saida mak espeansa
Atu labarik sira komprende esperansa katak sa
Atu labarik sira bele fiel ba esperansa be Kreda hanorin

Semana dahuluk

Esperansa hakbiit ema iha: ninia knaar

I. Orasaun: Hananu **HELA HO AMI, JESUS, TUR HO AMI** 188

Hela ho ami, Jesus, tur ho ami. (2x)

1. Iha rai Emaus Ita fahe Ita paun,
Ita fahe Ita domin iha loron tomak.
2. Ami sei hadomi malu tuir Ita nia hatudu.
Na'i Maromak tau hadomi iha ami laran.

II. Intervista: Intervista ho ema ruma iha Jerusalem

- Halo, no benvinda iha entrevista ida ne'e ho ema ne'ebé dook husi ita, hela iha Jerusalem. Ha'u mak Katarina Maria ne'ebé halo entrevista ne'e,
- Diak
- Ha'u hatene, Jezús nia belun ne'e barak los ita mak ida ne'ebé?
- Ha'u? Ha'u mak Maria Madalena
- Ita senti saida no hanoin saida wainhira rona ema hahu prega Jezús iha krus?
- Ha'u tauk liu no ha'u hanoin ida ne'e la loos se prega nia iha krus.
Nia la halo sala ruma, laos hanesan dadur nain rua ne'e.

sei hela ba. ⁴Ba fatin nebe Ha'u atu ba, imi hatene ona dalan." ⁵Tome dehan ba Nia: "Na'i, ami la hatene Ita ba los nebe; oin sa ami bele hatene dalan?" ⁶Jesus hateten ba nia: "Ha'u ne'e dalan, lialos no moris. Ema ida la liu karik housi Ha'u, nia la bele hakbesik Ha'u Aman. ⁷Imi hatene ona Ha'u karik, imi hatene ona mos Ha'u Aman. Houri ohin ba oin, imi hatene ona Nia no hare ona Nia." ⁸Filipe husu ba Nia: "Na'i, hatudu Aman mai ami; ne'e to'o ona mai ami." Jesus dehan ba nia: ⁹"Ha'u hela kleur ona ho imi, Filipe, no imi seidauk hatene Ha'u? Ema nebe hare ona Ha'u, hare ona mos Ha'u Aman. Nusa mak o dehan: 'Hatudu Aman mai ami?' ¹⁰O la fiar katak Ha'u hela iha Aman no Aman hela iha Ha'u? Liafuan hirak nebe Ha'u dehan ba imi, Ha'u la dehan hodi Ha'u an rasik. Ha'u Aman nebe hela iha Ha'u mak halo Nia hahalok. ¹¹Fiar Ha'u katak Ha'u hela iha Aman, no Aman hela iha Ha'u. Lae karik, fiar tamba hahalok hirak ne'e. ¹²Tebes, tebes, Ha'u dehan ba imi: ema nebe fiar iha Ha'u sei halo mos hahalok sira nebe Ha'u halo; nia sei halo hahalok boot liu fali hirak ne'e, tan Ha'u atu la'o ba Aman

Perguntas

1. Jezús dehan Ha'u ba uluk atu hadia fatin ba imi? Nia ba uluk iha fatin ida ne'ebé?
2. Jezús hatan saida ba Tome, wainhira nia husu "Na'i, ami la hatene Ita ba los nebe; oin sa ami bele hatene dalan?"
3. Jezús hatan saida ba Filipe, wainhira nia husu "Na'i, hatudu Aman mai ami; ne'e to'o ona mai ami." .
4.

Sumario

Iha Evanjellu Jezús hanorin mai ita kona ba, ita nia espeansa nia rohan. Fatin ikus ba ita nia fiar nian, ne'e mak hasoru Na'i Maromak ida ne'ebé ita tau laran metin iha ita nia moris tomak. Dalan badak Maromak no Ninia horik fatin (Lalehan) mak Jezús mesak deit. Se ita halo tuir buat ne'ebé Jezú hanorin, ne'e dehan katak ita tuir Maromak nia dalan, ka dalan ba Lelehan nian, dalan hasoru malu ho Maromak nian. Se ita la halo tuir karik, ita lao sala dalan la bele too iha Lalehan.

Iha Doutrina, Kreda hanorin mai katak; ita iha espeansa ba ksolok lalehan nian ne'ebé Maromak promete ba ema sira ne'ebé hadomi nia no halo tuir nia hakarak. Iha situassaun hot-hotu, ita ida-idak tenki hein (iha esperansa), ho Maromak nia garasa, atu bele tahan "to'o rohan" nune'e bele manan ksolok lalehan nian, nudar Maromak nia premio rohan laek nian ba sira ne'ebé halo nia knaar didiak too rohan ho Kristu nia grasa.

Semana dahaat

“Esperansa iha nia susesu”

Passo

I. Orasaun

II: Hananu: Na’i ami ba los ne’ebé

Ref. *Na’i ami ba los ne’ebé*

Ita deit mak liafuan moris

No ami fiar metin katak

Ita boot mak Maromak Oan

1. Ha’u mak paun moris nian
Sei mai too sei la hamlaha tan
Sei mai too Ha’u sei la hamrook tan
Nune’e Jezús lia tun
2. Keta buka ai-han ne’ebé mohu
Maibe ai-han ne’ebé rohan laek
Ai-han ne’e Ha’u nia isin rasik
Ne’ebé mai husi Ha’u Aman
3. Ha’u mak paun Lalehan nian
Sei mai too Ha’u sei moris rohan laek
Ai-han ne’e Ha’u nia isin rasik
Atu fo moris ba mundo
4. Ha’u tun mai husi Lalehan
Laos halo tuir Ha’u nia hakarak
Maibe halo tuir aman nia hakarak
Atu fo moris ba mundo

III. Evanjellu Jo 14:1-12

Jesus ba hadia fatin ba nia eskolante sira

¹“Keta laran taridu resin. Imi fiar iha Maromak, fiar mos iha Ha’u. ²Iha Ha’u Aman nia uma iha fatin wa’in. Lae karik, Ha’u dehan ba imi katak Ha’u ba hadia fatin ba imi?” ³Wainhira Ha’u ba ona hodi hadia ona fatin ba imi, Ha’u sei fila hikas mai hodi lori imi ho Ha’u; nune’e, iha fatin nebe Ha’u hela, imi mos

- Ita mos hamutuk ho ema lubun boot tuir nia too Golgota?
 - Oh, sim, ha’u nafatin iha nia sorin, maibe iha momentu ruma hanesan ha’u haketak husi Nia, maibe ha’u buka lalais hodi hetan fali nia.
 - Ita halo saida wainhia ema prega ona Jezús iha kruz?
 - Ha’u hare nia terus, maibe iha oras ne’e no nafatin ha’u harohan ba Aman Maromak nia tulun, atu soy Jezús.
 - Saida mak mosu wainhira rai nakukun, ita boot halo saida iha momento ne’e?
 - Molok rai nakukun, Jezús bolu, Eli, Eli, hafoin bolu tan Eli, Eli, lama Sabachtani? Ha’u la komprende maibe ha’u hanoin Elias, nune’e ha’u hanoin Jezús bolu Elias. Jezús bolu tan hafoin la book an ona, ha’u hanoin momento ne’e mak nia mate. ba ida ne’e, rai nakdoko maka’as los, fatuk sira fera hotu no ema sira ne’ebé mate ona moris hias hotu. Ha’u la fiar buat ne’e no hahu tanis, ha’u harohan ba Maromak no tur hakmatek no rona, tarutu iha sor-sorin.
 - Ita boot ba hare Jezús nia rate? Sim.
 - Sa loron mak ne’e?
 - Iha domingu dader, liu tiha loron sabadu .
 - Saida mak mosu winhira ita iha Jezús nia rate?
 - Ami too iha ne’ebá iha rai nakdoko, hafoin hare ema mane ida hatais mutin duir tiha fatuk be taka rai kuak hafoin tur iha leten
- Nia dehan; ‘imi keta tauk, ha’u hatene imi buka Jezús, nia la iha hene’e, nia moris hias ona hanesan nia dehan’. Nia dehan tan ba ami atu hare fatin ne’ebé ema tau nia ba, no nia dehan tan ba ami; ba dehan ba nia disiplu sira, nia moris hias ona husi mate. Nia ba uluk iha Galileia, imi sei hare nia iha ne’ebá.
- Nune’e ami, Maria ida seluk no ha’u halai fila fali ba fo hatene hanesan nia dehan ba ami.
- Obriga barak Maria, ba ita nia tempo.
- Ida ne’e Kathy arks nia informasaun ba notisia iha mundo tomak.

III. *Evajellu: Lk 24: 13-35*

Dalan Emaus nian

¹³Iha loron neba eskolante na’in rua la’o ba knua ida naran Emaus, besik kilometru ualu housi Jerusalem. ¹⁴Sira koaliala ba malu kona ba buat nebe mosu. ¹⁵Sira sei koaliala hodi haksasuk malu dau-daun, Jesus rasik hakbesik hodi la’o hamutuk ho sira. ¹⁶Maibe sira nia matan la dauk nakloke atu hatene Nia. ¹⁷Nia dehan ba sira: “Imi koaliala ba malu kona ba sa ida tuir dalan?” Sira para tiha ho

oin nakraik. ¹⁸Sira ida naran Cleofas dehan ba Nia: “Ita mesak ema la’o rai iha Jerusalem mak la hatene buat nebe mosu iha neba iha loron hirak ne’e?” ¹⁹Nia husu ba sira: “Sa ida?” Sira hatan: “Kona ba Jesus Nazare, profeta ida beran boot iha lia no hahalok iha Maromak no povu tomak nia oin: ²⁰oin sa ita nia amlulik boot no na’i ulun sira saran Nia ba mate hodi hedi Nia ba krus. ²¹Ami hanoin katak Nia mak atu soi Israel, maibe liu ona loron tolu mak buat hirak ne’e mosu. ²²Los duni, ami nia feto maluk balun halo ami hakfodak, basa dadersan hela, sira ba rate; ²³hafoin, la hetan Nia isin, sira mai haktuir katak sira hare anju sira nebe dehan katak Nia moris. ²⁴Ami nia maluk balun mos ba to’o rate hodi hetan buat hotu hanesan feto sira haktuir; maibe sira la hare Nia.”

²⁵Nia dehan ba sira: “Imi ema beik duni, no neon badak atu fiar buat hotu nebe profeta sira hateten! ²⁶Mesias sei la terus buat hirak ne’e atu nune’e Nia bele tama iha Nia gloria?” ²⁷Hafoin, hahu housi Moises no profeta sira hotu, Nia hatudu ba sira buat hotu nebe hakerek tiha kona ba Nia. ²⁸Besik ona knua nebe sira atu ba, Nia hakfudik atu la’o ba oin tan. ²⁹Maibe sira husu maka’as ba Nia dehan: “Hela ho ami, basa kalan besik ona, loron mos monu ona.” Nia tama ho sira atu hela. ³⁰Hafoin, tur tiha atu han ho sira, Nia kaer paun, fo bensa, silu hodi fahe ba sira. ³¹Sira nia matan nakloke hodi hatene Jesus; maibe Nia lakon kedas housi sira oin. ³²Sira dehan ba malu: “Ita nia laran la manas wainhira Nia koalia ba ita tuir dalan hodi hanorin Eskritura?”

³³Sira hamriik kedas, hodi fila fali ba Jerusalem. Iha neba sira hetan sira na’in sanulu resin ida halibur hamutuk ho maluk sira seluk, ³⁴nebe dehan ba sira: “Tebes, Na’i moris hi’as ona hodi mosu ba Simao!” ³⁵Tuir mai, sira haktuir buat nebe mosu iha dalan, oin sa sira hatene Jesus wainhira Nia silu paun.

Perguntas

1. Eskolante nain rua hakarak atu ba ne’ebé?
2. Iha dalan klaran iha ema ida mai lao ho sira nain rua. Ema ne’e se?
3. Oinsa mak eskolante nain rua ne’e hatene katak ne’e mak Jezús?
4.

Sumario

Iha entrevista ohin ita rona kona ba Mana Maria Magdalena nia esperensia iha Jerusalem ne’ebé hare ho matan oinsa ema baku Jezús no hare Jezús nia rate mamuk, katak Jezús moris hias nia mak hare uluk.

Iha evajellu fali hatoo mai ita katak, Jezús nia eskolante nain rua tauk hakarak atu halai, nune’e sira sai husi Jerusalem atu ba knua ida naran Emaus. Maibe too iha dalan klaran, Jezús mosu ba sira nain rua, nune’e sira nain rua fila fali ba Jerusalem hodi hatoo ba nia maluk seluk katak Jezús moris hias duni sira nain rua hare ho matan.

hetan du’ut matak. ¹⁰Na’okten mai atu na’ok, atu oho, atu harahun deit. Ha’u mai atu ema hetan moris, hodi hetan moris ne’e wa’in liu tan.

Perguntas

1. Jezús dehan ema la tama husi odamatan, ema ne’e se?
2. Jezús dehan ema ne’ebé tama husi odamatan ema ne’e se?
3. Jezús dehan “Ha’u mai atu ema ne’e hetan ...” saida?
4. ...

Resumo

Iha knananuk be foin ita hananu dehan “Jesus ha’u nia Pastor, buat ida ha’u la kuran tamba fiar Ita Boot”. Los duni ita hanesan bibi, ita nia nain sei lori ita ba duut matak no we moris, atu ita la hamlaha no la hamrook. Too loron manas nia lori ita ba iha mahon, atu loron manas keta habai ita.

Iha Evanjellu Jezús hanorin mai ita katak “Jezús mak bibi atan diak, Nia mak odamatan, ema liu husi nia sei la lao sala dalan, sei la tama sala fatin”

Iha Katesismu Kreda katolika nian hanorin katak; Esperansa mak “klamar ida nia seguru (ita hatene ne’e la sala) no nudar ankhor ne’ebé hametin, wainhira Jezús husik hela ita, esperansa mak ida be lao uluk iha ita nia oin.” Esperansa mos nudar kroat (weapon) ida be soi ita husi ita nia laran susar eh neon kraik kona ba salvasaun. Esperansa fo kbiit ksolok nian maski iha terus nia laran. “haksolok ho ó nia esperansa (ó nia mehi), pasensia iha momentu susar no terus nian. Esperansa ne’e hatudu no hare iha orasaun, liu-liu iha orasaun Ami Aman, ne’e mak sumario buat hotu iha moris, ne’ebé esperansa lori ita atu too ba.

Iha evanjellu Jezús haforsa liu tan hodi dehan nune’e; “Ha’u mai atu ema hetan moris, hodi hetan moris ne’e wa’in liu tan”. Nune’e esperansa ne’e nia realisaun mak Kristu nia moris hias ne’e, Kristu nia horik ho ita ne’e. Ne’e mak ita nia kbiit, naran katak keta lakon Esperansa se mak lakon Kristo lakon eaperansa.

Iha ita moris lor-loron nian dala ruma ita senti katak ita lahatene Exp. Ita nia maluk ida nia valor aas liu ha’u nian. Ita dehan ba ita nia an nia matenek liu, hau beik duni, lae! Hanoin nune’e sala. Wainhira hare ema ida matenek karik, ne’e kbiit ida mai ita, atu ita mos bele sai hanesan nia. Ha’u nia valor lale too 10 hanesan ninian karik bele mos too iha 9. Ne’e mak dehan esperansa ne’e foo kbiit mai ita.

Semana datoluk

Esperansa nafatin fo kbiit

Passo

I. Orasasun: hodi Padre Ave Maria (hananu)

II. Hananu: **JESUS HA'U NIA PASTOR 198*****Jesus ha'u nia Pastor, buat ida ha'u la kuran tamba fiar Ita Boot.***

1. Bematan mos, malirin Ita futar fuan
sei lori ha'u to'o diak, haksolok ha'u nia fuan.
2. Ha'u liu hosi inur, rai sei nakukun;
maibe ha'u nia Maromak sei leno ha'u nia ain fatin.
3. Bele iha mate laran sei hein Ita Boot;
ha'u sei la tauk destin, ha'u fiar Ita Boot.
4. Hadia hela mai, Paun moris nian;
hadia mos kalis ida ho Tua moris nian.

Perguntas

1. Musika ne'e nia titlu mak saida?
2. Hananu ne'e koalia kona ba saida?
3. Bibi atan ne'e lori nia bibi ba ne'ebé?
4.

III. Evanjellu

Jo 10: 1-10

Bibi atan diak

¹Tebes, tebes, Ha'u dehan ba imi: ida nebe la tama ba bibi luhan housi odamatan maibe tama housi fatin seluk, ema ne'e na'okten ida no buka deit atu han. ²Maibe ida nebe tama housi odamatan, nia mak bibi atan. ³Ida nebe hein odamatan loke ba nia; bibi sira rona nia lia, nia bolu bibi sira hodi sira nia naran, no lori sira ba liur. ⁴Hasai tiha nia bibi sira hotu, nia la'o uluk; bibi sira tuir nia, tan sira hatene nia lia. ⁵Maibe bibi la tuir ema leet ida; sira halai housi nia, tan sira la hatene ema ne'e nia lia."

⁶Jesus haktuir aiknanoik ida ne'e ba sira; maibe sira la komprende buat nebe Jesus koalia kona ba sa. ⁷Ne'e duni Jesus dehan teni ba sira: "Tebes, tebes, Ha'u dehan ba imi: Ha'u mak bibi sira nia odamatan. ⁸Ema hotu nebe mai uluk liu Ha'u, mesak na'okten no ahuna'in sira; bibi sira la rona sira nia lia. ⁹Ha'u mak odamatan. Ida nebe liu housi Ha'u sei hetan maksoin; nia sei tama no sai hodi

Alin sira, mai tau ita nia laran metin iha Kristu nia promesa sira no laos laran metin ba ita nia kbiit, maibe iha Espirito Santo nia kbiit. Kristo mak kbiit nain, no Maromak Oan, moris hias husi mate. se ita fiar no laran metin iha nia karik, nia sei mai koalia ho ita liu husi ema seluk, hanesan koalia ho eskolante nain rua ne'e.

Oras ne'e ita iha fulan maio nia laran, keta haluha, reza ba Nain Feto, atu nia harohan daet mai ita ba Maromak hodi haraik grasa ne'ebé ita presisa ne'e mai ita.

Semana daruak

Maromak tau esperansa iha ema ida-idak nia fuan

Passo

I. Orasaun ...

Ami hahi ita, Na'i, ida ne'ebé tau matan ba promesa sira!

Buat ne'e ita tau matan, Ita nafatin lori hamutuk ho ita,

Nudar hatudu iha Kristo nia moris hias,

Ninia liberdade iha mate laran, hakonu ami ho esperansa,
basa ami Ninia disipulus sira.

Ho ami nia Batismo, ami sai Kristo nia isin lolon,

No ami haksolok, ida be moris hias ne'e haraik mai ami

Liberdade iha momento mate nian no haraik mai ami moris rohan laek.

Oh, Na'i haraik mai ami tulun iha moris lor-loron nian

Atu ami moris deit ba Kristo moris hias.

II. Istoria:

Iha tempo bai loron nian, lorokrai ida, rai nakaras ha'u tur besik ha'u nia papa nia sorin, atu kuda modo iha kantreiru ida. Papa hahú fokit modo oan, ha'u hanoin iha ha'u nia laran, modo mai husi rai? Nudar labarik ho tinan neen nia kakutak, hakarak atu hatene modo mai husi ne'ebé? Ha'u husu ba ha'u nia papa, "papa, modo be ita han, mai husi katreiru ne'e ga?" papa hatan mai ha'u; dehan; modo mai husi Maromak, ita kuda nia fini. Papa fo modo oan mai ha'u, ha'u kuda halo nakonu iha katreiru. Ha'u hein iha tempo ruma modo boot, ami kuú han balun, faan balun.

Husi ha'u nia esperensia ne'e hanorin mai ha'u, Maromak nia presensa: iha; rai, modo musan/oan, ema ne'ebé kari modo musan. Ikus liu ha'u nia esperansa.

Perguntas

1. Labarik ida be foin ita rona nia istoria ne'e halo saida ho nia apa?
2. Perguntas saida mak nia husu ba nia apa?
3. Se perguntas ne'e husu ba ó, ó sei hatan oinsa?
4. ...

III Evanjellu

Jo 20:19-31

Jesus mosu ba eskolante sira

¹⁹Iha kalan loron uluk semana nian, uma iha nebe eskolante sira hela, nia odamatan taka metin tan sira tauk Judeu sira, Jesus mosu mai, hamriik iha sira leet hodi dehan: “Dame hela ho imi!” ²⁰Koalia tiha nune'e, Nia hatudu ba sira Nia liman no sorin. Hare tiha Na'i, eskolante sira haksolok teb-tebes. ²¹Jesus lia tun teni ba sira: “Dame hela ho imi! Nudar Ha'u Aman haruka Ha'u mai, nune'e mos Ha'u haruka imi ba.” ²²Hateten tiha ne'e, Nia hu'u iis ba sira dehan: “Simu ba Espiritu Santu! ²³Sira nebe imi perdua sira sala, sira hetan duni perdua; sira nebe imi la perdua sira sala, sira la hetan duni perdua.”

²⁴Tome, sira na'in sanulu resin rua ne'e ida, nebe ema hanaran Kaduak, la hamutuk ho sira wainhira Jesus mosu. ²⁵Tan ne'e, eskolante sira hateten ba nia: “Ami hare ona Na'i!” Maibe nia hatan ba sira: “Ha'u la hare karik besi kusan nia kuak iha Nia liman, la tau karik ha'u nia liman nian iha besi kusan fatin, no la hatama karik ha'u nia liman iha nia sorin, ha'u sei la fiar.”

²⁶Liu tiha loron ualu, eskolante sira halibur fali iha uma laran. Tome mos hamutuk ho sira. Odamatan sei taka hela, Jesus mosu hodi hamriik iha sira leet dehan: “Dame hela ho imi!” ²⁷Hafoin Nia hateten ba Tome: “Lori o nia liman nian mai, no hare Ha'u nia liman; lolo o nia liman hodi hatama iha Ha'u nia sorin. O keta laran tos, maibe fiar!” ²⁸Tome hatan dehan ba Nia: “Ha'u Na'i, ha'u Maromak!” ²⁹Jesus lia tun teni ba nia: “O fiar tan o hare tiha Ha'u? Ksolok ba sira nebe fiar maski la hare.”

³⁰Jesus halo sinal seluk barak tan iha nia eskolante sira oin nebe la hakerek iha livru ne'e. ³¹Maibe sira ne'e hakerek atu imi fiar katak Jesus mak Messias, Maromak nia Oan Mane; nune'e hodi fiar, imi hetan moris hodi Nia naran.

Peguntas

1. Jezús nia liafuan dahuluk ne'ebe Nia dehan ba nia eskolante sira wainhira nia mosu iha sira nia leet mak ida ne'ebe?
2. Apostolo ida ne'ebe mak la iha wainhira Jezús mosu iha emplo laran?
3. Tome dehan saida ba Jezús wainhira Jezús mosu ba sira ba dala rua?
4. ...

IV. Resumo

Iha istoria hanorin mai ita esperensia ida kona ba “hein/ esperansa”. Maromak nia prezensa liu husi rai, modo musan no ema ne'ebé kari musan/ kuda, ita presiza hein too tempo lolos atu bele aproveita.

Iha evanjellu, hatoo mai katak Apostolos sira tauk, subar hela iha uma laran, hafoin Jezús mosu iha sira nia le'et, dehan ba sira “Dame hela ho imi! Nudar Ha'u Aman haruka Ha'u mai, nune'e mos Ha'u haruka imi ba.” Hateten tiha ne'e, Nia hu'u iis ba sira dehan: “Simu ba Espiritu Santu! Sira nebe imi perdua sira sala, sira hetan duni perdua; sira nebe imi la perdua sira sala, sira la hetan duni perdua.”

Kreda katolika nia hanorin kona ba esperansa; Sarani nia esperansa hahu iha Jezús nia hanorin kona ba rahun-di'ak. Rahun-di'ak sira hakbiit ita nia esperansa ba Lalehan no promesa ba rai foun/ terra prometida; esperansa halo dalan liu husi difikuldades sira ne'ebé hein hela Kristu nia disiplin sira. Maibe ho Jezús nia Terus, Mate no Moris Hias, Maromak hatoo mai ita “esperansa ida ne'e iha nia susesu.

Nune'e alin sira, wainhira ita sente susar ka hetan difisil iha ita nia vida, ne'e mak tempo/ oportunidade ba ita atu pratika ita nia esperansa, ne'e mak laran metin iha Maromak, se lae ita laran metin deit ba ita nia an. Wainhira ita senti lisaun ida difisil mai ita atu halo, maibe ita la tauk no la falta iskola ita ba nafatin, aprende nafatin ne'e mak naran esperansa.

V. Orasaun Final (Reza Ave Maria no Salve Liurai Feto ba Nain Feto)
Intesaun ba Damen iha Ukraina